

# 傳授三皈依正範

性 覺靈 明 寂照真 常 昔迷今悟

露堂堂 三寶是慈航 一瓣心

香 皈禮法中王南無香雲蓋 菩薩

摩訶 薩南無香雲蓋 菩薩摩訶

薩南無香雲蓋 菩薩摩訶薩

## 請 師

引禮師云：

夫宅中寶藏 非指示而莫曉 衣裏明珠 必解說而方知 若不依僧 安能聞法 苟非佛法無以出塵 今 居士等 身處世俗念 欲歸真理 須求請明師 乞受淨法 我今為汝 恭請上 和尚 為汝等 作三皈依本師 請師之語 汝合自陳 恐汝未能 我今教汝 稱自己名云某 其餘言詞 皆隨我道

大德 一心念我某甲 今請大德 為三皈依本師  
願大德為我作三皈依本師 我依大德故 得受清淨三  
皈依 慈愍故 慈愍故 大慈愍故 三請 三拜

請師之文，引禮師念一句，求戒者，隨後念一句，乃至三請。第三遍大慈愍故。每請一次，引禮師呼：「就禮一拜」「合掌」。

## 開導

和尚鳴尺 開導云

善男子善女人 汝今 既已殷勤申請可爾 為汝作  
三皈本師 所有言詞 聽我開導

原夫 佛未御富 邪師說法 言皆是妄 法不契理  
盲引癡愚 欲昇反墜 佛出世間 如果日麗天 群  
昏灼破 皓月當空 諸有清涼 誠反邪皈正之導師  
是與樂拔苦之慈父 良以一切智 窮徹因果 若性  
若相 靡不實知 兩足尊 圓滿福慧 若折若攝  
無非利物自利 始證無上菩提 初遊波羅柰國 耶  
輸伽父 信受三皈 教源肇起於西天 法水漫流於  
東土 直至於今 在家二眾咸沾恩澤 汝等欲受三  
皈者 准律所明 有五種三皈 翻邪三皈 五戒三  
皈 八戒三皈 十戒三皈 具足戒三皈 然 今所  
受是第一種三皈也 復於所皈三寶 而有住持一體  
之別 若不知者 恐執相迷理 偏理廢相 是故  
我今先為示明 所言住持三寶者 如來出世 夜覩  
明星 樹下得道 是為佛寶 依一實相 說四諦法  
是為法寶 初度陳如五人 召善來比丘 是為僧寶 貝  
葉黃卷 三藏教典 是為法寶 剃髮染衣 嚴淨毘  
尼 紹弘佛法 是為僧寶 所言一體三寶者 以實  
相慧 覺了諸法 非空非有 亦空亦有 雙忘雙照  
三智圓覺 是自性佛寶 所覺法性之理 三諦具足

是自性法寶 此覺慧與理事和合 是自性僧寶 而住持一體 悉稱寶者 不為世法之所侵凌故 不為煩惱之所染污故 所言皈依者顯宗論示救濟義 以皈依三寶 能息無邊生死苦輪 遠離一切大怖畏故 須知 捨住持三寶 別無一體三寶 離一體三寶 更無住持三寶 住持是相 相即性中之相 一體是性 性即相中之性 性相一如 二而不二 迷之者 流轉生死 悟之者 成等正覺 汝今既能深信皈依 住持三寶則本有一體三寶 法爾具足 如是性相不乖 理事雙明 方為真正受三皈者 汝已諦聞我語 一一能解否 答云 能解 和尚撫尺一下云 汝既能解 一一能如法受持否 答云能如法受持

請 聖

鳴尺云 善男子善女人汝等既能如法受持三皈者 應當先請十方三寶 以為依怙之尊 次屈一切萬靈 而作鎮嚴之主 汝 起立合掌 至心作觀 隨我啟請 稱自己名 弟子某甲 和尚起座 拈香啟請

香花迎 香花請 弟子 某甲 一心奉請 娑婆教主

本師釋迦牟尼文佛 極樂世界阿彌陀佛 當來下生

彌勒尊佛 盡虛空徧法界一切諸佛 唯願 不違本

誓 慈光攝照 證明受皈 三請三拜 頂禮 胡跪合掌

香花迎 香花請 弟子 某甲 一心奉請 大小二乘

毘尼律藏 五篇三聚 解脫木叉 十二分經 權實

教典 離欲真淨 甚深法寶 謹運一心 皈依頂禮

三請三拜 頂禮 胡跪合掌

香花迎 香花請 弟子<sup>某甲</sup> 一心奉請 觀音勢至  
文殊普賢 清淨海眾 諸大菩薩 律藏會上 優波  
離尊者 西天東土歷代祖師 傳戒律師 唯願 不  
違本誓 慈光攝照 證明受皈 三請三拜 頂禮 胡跪  
合掌  
香花迎 香花請 弟子<sup>某甲</sup> 一心奉請 光明會上  
寄位諸天 梵釋四王 天龍八部 伽藍土地 護戒  
神王 金剛力士 幽顯靈祇 唯願 不違本誓 監  
壇護戒 頂禮一拜 問訊 長跪 合掌

### 懺悔

和尚就坐 鳴尺白懺文云

上來 迎請三寶證明 今則三寶慈光攝照汝等 竊  
恐 曠劫至今 造諸惡業 障蔽心源 不堪納受  
是故汝等 應對三寶前 生大慚愧 生大怖畏 思  
地獄苦 發菩提心 求哀懺悔 稱自己名 隨我言  
語 一一自說

我弟子<sup>某甲</sup> 從於無始 以至今生 毀破三寶  
作一闡提 謗大乘經 斷學般若 弑害父母  
出佛身血 破他梵行 焚毀塔寺 盜用僧物  
起諸邪見 撥無因果 狎近惡友 違背良師  
自作教他 見聞隨喜 如是等罪 無量無邊  
故於今日 生大慚愧 克誠披露 求哀懺悔  
唯願三寶 慈悲攝受 放淨光明 照觸我身  
諸惡消滅 三障蠲除 復本心源 究竟清淨  
往昔所造諸惡業 皆由無始貪瞋癡 每一句一拜

從身語意之所生 一切我今皆懺悔  
今對佛前求懺悔 一切罪根皆懺悔

南無普賢王菩薩摩訶薩 三遍 拜已長跪合掌

### 受三歸依

和尚嗚尺云

汝等 對三寶前 懺悔已竟 罪業必定消除 身心  
自然清淨 汝當外托事儀 內明理觀 而起廣大慈  
護之心 情非情境 於此境上 誓願斷惡修業 利  
濟眾生 心境緣覽 繫法於心 心法和合 名曰三  
皈體 皈依之語 汝合自陳 恐汝未能 應隨我語  
至心合掌 起

我某甲 盡形壽皈依佛 一拜

我某甲 盡形壽皈依法 一拜

我某甲 盡形壽皈依僧 一拜 長跪 合掌

和尚嗚尺云

上來三皈 正是納體於心 更加三結 得法圓滿  
謂之三番羯磨 汝當至心 隨我語道

我某甲 皈依佛竟 寧捨身命 終不皈依 自在天

魔等 皈依 如來至真等正覺 是我世尊 慈愍故

大慈愍故 一拜 復跪

我某甲 皈依法竟 寧捨身命 終不皈依 外道典

籍 皈依 如來所說 三藏十二部 一切經典 是

我世尊 慈愍故 大慈愍故 一拜 復跪

我某甲 皈依僧竟 寧捨身命 終不皈依 外道邪

眾 皈依 清淨福田僧 是我世尊 慈愍故 大慈  
愍故一拜 復跪

## 發願

和尚鳴尺云

善男子善女人汝等既皈三寶 已獲本體 則心有所  
皈 身有所依 當起妙用 發大誓願 所言妙用大  
願者 應觀苦集滅道四諦 而發四弘誓願 一觀三  
界九有一切眾生 未度苦諦 三苦八苦 無量諸苦  
迷真逐妄 不思出離 是故汝今 發願度盡眾生  
二觀三界九有一切眾生 未解集諦 十使見思五住  
等惑 纏縛不脫 隨業報生 是故汝今發願 斷盡  
煩惱 三觀三界九有一切眾生 未安道諦 戒定般  
若 十二部經 無熏聞思 不知修學 是故汝今發  
願 勤學法門 四觀三界九有一切眾生 未得滅諦  
迷覺體者 不信佛心 悟覺體者 分證未圓 是故  
汝今發願 必成佛道 汝今既知觀竟發願 當以慧  
照現前 隨我語言 至心合掌 恭對三寶前 發四  
弘誓願

我某甲 眾生無邊誓願度 一拜

我某甲 煩惱無盡誓願斷 一拜

我某甲 法門無量誓願學 一拜

我某甲 佛道無上誓願成 一拜復跪合掌

## 回向

和尚鳴尺云

善男子善女人汝今已發弘誓願 則智為先導 但堅  
信行 有願必從 汝雖身同世俗 心是菩薩 所獲  
功德 不可思議 校量功德經云 若三千大千世界  
滿中如來 如稻麻竹葦 人以四事供養 滿二萬歲  
諸佛滅後 各起塔廟 復以香花種種供養 其福雖  
多 不如有人以純淨心 皈依三寶 所得功德 汝  
今 當生大歡喜 生希有想 愈增深信 愈堅弘願  
出煩惱淵 至菩提岸 即今所受三皈 以為出世正  
因 慎勿退失 謹守修行 汝能依教否 答 能依教奉  
行

引禮呼：「一齊起立」「禮謝和尚三拜」「問訊」。

和尚鳴尺起坐合掌 云

授皈功德圓滿 大眾合掌 同音念佛回向。

維那舉「南無本師釋牟尼佛」求戒者和唱，和尚下座，至中間，煞佛號。  
引禮師舉回向偈，大眾齊和。

授皈功德殊勝行 無邊勝福皆回向

普願沉溺諸眾生 速往無量光佛剎

十方三世一切佛 諸尊菩薩摩訶薩

摩訶般若波羅蜜

唱畢，引禮呼：「恭送和尚回寮」和尚云：「免送」眾答：「阿彌陀佛」。